



gazeTi gamodis
1931 wl is 5 ianvridan

კ ლ ი ო ნ ი

ს ა ზ ო გ ა დ ო ე ბ რ ი ვ - პ ო ლ ი ტ ი კ უ რ ი გ ა ზ ე თ ი

ყოველკვირეული გამოშვება
ფასი 20 თეთრი

ეს შენგახება

„მიზანი, კანონი შესატანი ცვლილებებისა, არის აბსოლუტურად გაუგებარი“

მარი კოპოშვი



23/02/2012

„შეუძლია ახალ კანონს ყველა ჩინში შეგვიყვანოს“. ამ და სხვა მსგავსი შინაარსის წარწერებით ფლაერები ოზურგეთში 23 თებერვალს გავრცელდა, მაშინ, როცა ცენტრალური უნივერსიტეტის წინ აქცია იმართებოდა.

აქცია ჟურნალისტებმა, საზოგადოების, მასმედის, არასამთავრობო ორგანიზაციების და რამდენიმე ოპოზიციური პარტიის წარმომადგენლებმა გამართეს. ამ სახით აქციის მონაწილეები არაპოლიტიკურ სამოქალაქო მოძრაობას „ეს შენ გეხებას“ შეუ-

ერთდნენ. აქციები პარალელურად საართველოს სხვადასხვა ქალაქში იმართებოდა. ამ გზით აქციის მონაწილეები სისხლის სამართლის კოდექსში და ორგანულ კანონში შეტანილ ცვლილებებს აპროტესტებდნენ, რომელიც მოქალაქეთა პოლიტიკურ გაერთიანებებს შეეხება.

ჩვენ არ დავუშვებთ კანონს, რომელიც: არაკონსტიტუციურია, ხელს უშლის თავისუფალი აზრის გამოხატვას, ზღუდავს საკუთრების უფლებას, ახშობს სამოქალაქო აქტიურობას, საფრთხეს უქმნის მედიას, ბიზნესს ორგანიზაციებს, არასამთავრობო სექტორს და თავისუფალ ამომრჩევლებს. ეს იყო აქციის მონაწილეების მთავარი სათქმელი.

მაშინ, როცა საზოგადოების ნაწილი ასე აქტიურად აპროტესტებს ახალ კანონს გაზეთი „ალიონი“ შეეცადა გაერკვია რას ფიქრობს ამ საკითხთან დაკავშირებით არასამთავრობო ორგანიზაციების და პოლიტიკური პარტიების წარმომადგენლები.




21/02/2012 14:10

ლ მ პ ა ნ

ხ ი ნ თ ი ა ი მ

(საქართველოს დემოკრატიული განვითარების კავშირი): პირველ რიგში უნდა ითქვას, რომ მიზანი კანონში შესატანი ცვლილებებისა არის აბსოლუტურად გაუგებარი. გაუგებარია რა გახდა მიზეზი იმისა, რომ კანონში შესულიყო ცვლილებები. ზოგადად ცვლილებების შეტანა უნდა განაპირობებდეს უფრო დემოკრატიული გარემოს შექმნას და მოსახლეობის ინტერესების დაცვას. შემოღნიშნული ცვლილებები კი საკმაოდ ბევრ კითხვას ბადებს. ცვლილებები საქართველოს ორგანულ კანონში ძალიან მოკლე პერიოდში შევიდა და თან ამ პერიოდს დაემთხვა საშობაო არდადეგები. კითხვები იბადება არა მარტო იმ ადამიანებისთვის, ვისაც

უშუალოდ ეხება კანონი, არამედ იმათთვისაც ვინც ამ კანონის არსებობის შესახებ არ იცის. ბევრმა მოქალაქემ მის შესახებ არაფერი იცის. კანონში არის საკმაოდ გაუგებარი ჩანაწერები, რომელიც ქმნის შესაძლებლობას ინტერპრეტირებისა, რის შედეგადაც შეიძლება სრულიად უსაფუძვლოდ სისხლის სამართლებრივ პასუხისმგებლობა მიეცეს და დაისაჯოს ადამიანი. კანონი პირდაპირ აკავშირებს პოლიტიკურ პარტიასთან ადამიანს, რომელსაც შესაძლოა პოლიტიკასთან არაფერია შეხება არ ქონდეს. კანონში გაჩნდა ცნება პოლიტიკურ პარტიასთან დაკავშირებული პირი. არ არის განსაზღვრული რა კვლევითი ან ვინ ჩათვლება ასეთად. ეს ნიშნავს, რომ შეიძლება ადამიანმა მოითხოვოს დანმარება, რომელიც პოლიტიკური პარტიისაგან, რაც მისი სისხლის სამართლებრივ პასუხისმგებლობა მიეცემის საფუძველი შეიძლება გახდეს, იმიტომ, რომ ამ შემთხვევაში



გვ-2

ოზურგეთში ბავშვთა დღის ცენტრი გაიხსნა



მარი კოპოშვი

ბავშვთა დღის ცენტრი „ცისკრის ვარსკვლავი“ ოზურგეთში გასულ კვირას გაიხსნა.

ცენტრის გახსნას ადგილობრივი ხელისუფლების სრულ შემადგენლობასთან ერთად პარლამენტის თავმჯდომარე, დავით ბაქრაძე ესწრებოდა. გახსნის ცერემონიაზე ბრძანდებოდა მეფე იოსებო.

დღის ცენტრის მმართველი ორგანიზაცია ა.ი.პ. „მომავლის სხივი“, რომელიც შემოქმედის ეპარქიის ბაზაზე დაარსებული.

გასული წლის 28 სექტემბერს საქართველოს მართლმადიდებლურ ეკლესიასა და ჯანდაცვის სამინისტროს შორის გაფორმდა შეთანხმება თანამშრომლობის შესახებ. შეთანხმებას ხელს აწერს კათოლიკოს პატრიარქი, ილია II და ჯანდაცვის მინისტრი, ანდრია ურუშაძე. შეთანხმების თანახმად, ეკლესიამ და სამინისტრომ ხელი უნდა შეუწყონ ბავშვთა კეთილდღეობის რეფორმის სრულყოფას, მზრუნველობა მოკლებული და სოციალურად დაუცველი ბავშვებისთვის ოჯახური და ოჯახურ გარემოსთან მიახლოებული პირობების შექმნას. „სწორედ ამ მიზანს ემსახურება დღის ცენტრი. ჩვენ პირველები ვართ მემორანდუმის ფარგლებში, ვისზეც განხორციელდა ეს ხელშეწყობა“-გვითხრა ცენტრის დირექტორმა, ხათუნა ცერცვაძემ.

ცენტრი სოციალურად დაუცველ ბავშვებზე გათვლილი. ბენეფიციართა რიცხვი 25-დან 30-მდე იქნება.


„ცისკრის ვარსკვლავში“ იქნება წერა-კითხვის შემსწავლელი და სკოლის პროგრამების ათვისების ხელშეწყობის ჯგუფები. ბავშვებს ჩატარდება თემ-ატური გაკვეთილები. შეისწავლიან ხელსაქმეს, გამომსახველობითი ხელოვნების დარგებს, უცხო ენებს, კომპიუტერულ პროგრამებს, მინანქარზე მუშაობას, ფოტოგრაფიას.

ცენტრი აღჭურვილია ტელევიდეო აპარატურით, ბიბლიოთეკით და კომპიუტერული ტექნიკით. მიზარდები უზრუნველყოფილი იქნებიან ორჯერადი კვებით და პირველადი სამედიცინო მომსახურებით. მათ მუდმივი კონტაქტი ექნებათ ცენტრის გარეთ არსებულ სამედიცინო დაწესებულებასთან.

„...აქ ბავშვები ისწავლიან, გაერთობიან, საკუთარი თავის რეალიზებას მოახდენენ. მათ ამის საუკეთესო საშუალება ექნებათ“, -გვითხრა მხარის გუბერნატორმა, ვალერი ჩიტაიშვილმა.

პარლამენტის თავმჯდომარე, დავით ბაქრაძემ ახალგაზსნილი ცენტრის თითქმის ყველა ოთახი მოიარა, ბავშვებს გაესაუბრა და ცენტრში არსებული პირობების გამო კმაყოფილება გამოხატა.

გამარჯვება ბარდაუვალა!



შეიქმნა პოლიტიკური კოალიცია „ქართული ოცნება“, რომელშიც შედის ის პოლიტიკური ძალები, რომლებიც გაერთიანებულნი არიან დემოკრატიული პრინციპების საფუძველზე. ჩვენი პოლიტიკური გაერთიანება მალე მაღალი ტემპით დაიწყებს მუშაობას და ყველა ადამიანს მიეცემა საშუალება დაირაზმოს ჩვენს გარშემო უზნეობის, დიქტატის, უსამართლობის წინააღმდეგ საბრძოლველად.

ეს არის ახალი რეალობა, არჩევანი თავისუფლებასა და დიქტატს შორის; გეზი ნატოსა და ევროკავშირისკენ; შესაძლებლობა, ამ ხელისუფლების მხრიდან იგნორირებული სოფლის მეურნეობის აღორძინების, რომელიც მისცემს ჩვენს მოქალაქეებს, განსაკუთრებით რეგიონებში დასაქმების საშუალებას. ეს არის გარანტი ხელმისაწვდომი, ხასრისხიანი განათლებისა და ჯანდაცვის სისტემის შექმნისა.

ჩვენი ერთობლივი აქტიურობით, ჩართულობით, დარაზმულობით ქვეყანას გავათავისუფლებთ ავტორიტარული რეჟიმისაგან. მედიასა და სასამართლოს გავხდით დამოუკიდებელს და თავისუფალს ყოველგვარი პოლიტიკური წინხისაგან. 2012 წლის საპარლამენტო არჩევნებში საქართველოს მოქალაქეების სწორი და თავისუფალი არჩევანის საშუალებით, გამარჯვება გარდაუვალია. ჩვენ შევცვლით საქართველოს დღევანდელ რეალობას უკეთესობისაკენ და ერთად ავისრულებთ ქართულ ოცნებას!

ღ

გარდაიცვალა კარლო გუჯაბიძე

65 წლის ასაკში გარდაიცვალა გურიის ყოფილი გუბერნატორი კარლო გუჯაბიძე.

იგი წლების მანძილზე მუშაობდა სხვადასხვა საპასუხისმგებლო თანამდებობაზე. 1999-2003 წლებში საქართველოს პრეზიდენტის სახელმწიფო რწმუნებული იყო გურიის მხარეში.

კარლო გუჯაბიძე დაიკრძალა გუმინ ქობილისში.

7 დღის ამინდის პროგნოზი

| | | | | | | |
|--|--|--|---|---|---|--|
| დღისამინდი +8+13 27 თებერვალი, ორშაბათი | მზა დღისამინდი +11+13 28 თებერვალი, სამშაბათი | წვიმა +5+13 29 თებერვალი, ოთხშაბათი | წვიმიანი თოვლი +2+6 1 მარტი, ხუთშაბათი | წვიმიანი თოვლი +1+4 2 მარტი, პარასკევი | წვიმიანი თოვლი 0+3 3 მარტი, შაბათი | წვიმა +1+6 4 მარტი, კვირა |
|--|--|--|---|---|---|--|

„მიზანი, კანონში შესატანი ცვლილებებისა, არის აბსოლუტურად გაუგებარი“

აიგებებს პოლიტიკურ პარტიასთან დაკავშირებულ პირთან და თვლის, რომ პიროვნება არის ჩართული პოლიტიკურ პროცესებში. ამავდროულად კანონი გამოხატვის თავისუფლებასაც ზღუდავს ანუ თუკი ვინმემ სამოქალაქო სექტორიდან, მაგალითად არასამთავრობო ან მასმედიის წარმომადგენელმა გამოხატა პოლიტიკური შეხედულება რომელიმე სუბიექტის მიმართ, ადვილი შესაძლებელია მაგანმა ჩათვალოს, რომ ეს პიროვნება და ორგანიზაცია, რომელსაც ის წარმოადგენს უწევს მხარდაჭერას რომელიმე პოლიტიკურ სუბიექტს. ეს შესაძლებელია საფუძველი გახდეს იმისა, რომ კონტროლის პალატამ შეამოწმოს მისი ფინანსური დოკუმენტაცია და ჩათვალოს პოლიტიკური სუბიექტის მხარდამჭერად. ეს ნიშნავს, რომ სამოქალაქო სექტორის წარმომადგენლებს, არასამთავრობო ორგანიზაციებსა და მასმედიის საშუალებებს დაუწესდება ისეთივე შეზღუდვები, როგორც პოლიტიკურ პარტიას. როგორც მოგვსენებთ აღნიშნული შეზღუდვები ითვალისწინებს იმას, რომ

წლის განმავლობაში პოლიტიკურმა პარტიამ არ უნდა მიიღოს 60 000 ლარზე მეტი წელიწადში. მას ამავდროულად ეზღუდება სხვა საერთაშორისო, დონორი ორგანიზაციებისაგან გრანტების მიღების შესაძლებლობა, ეს ანგრევს მთლიანად დემოკრატიულ პროცესს. ვფიქრობ, რომ აღნიშნული ცვლილებები ეწინააღმდეგება საქართველოს კონსტიტუციით აღიარებულ ადამიანის უფლებებსა და თავისუფლებებს.

რაც შეეხება სამოქალაქო მოძრაობის „ეს შენ გეხება“ პეტციას, რომელიც პარლამენტში შევიდა და სამოქალაქო მოძრაობას „ეს შენ გეხება“, წინასწარ შედეგების განსაზღვრა რთულია, ვერ ვიტყვით რა შედეგს გამოიღებს ეს ყველაფერი, მაგრამ ხელისუფლებამ უნდა იცოდეს, რომ საზოგადოების იმ ნაწილს, რომელიც თავისუფალ აზრს პატივს ცემს და ჩართულია აქტიურ სამოქალაქო პროცესში, ამის წინააღმდეგ აქვს პროტესტის გამოხატვის უნარი და შესაძლებლობა, ხელისუფლებამ უნდა იცოდეს ჩვენი აზრი.

თამურ მოშია („ერთიანი ნაციონალური მოძრაობა“, საკრებულოს წევრი): —კანონში ცვლილებების შეტანით თანაბარ პირობებში ჩადგა ყველა პოლიტიკური სუბიექტი. განისაზღვრა, რა არის პოლიტიკური ძალისთვის, პოლიტიკური პარტიისთვის კანონით ნებადართული და რომ არ შეიძლება ამომრჩევლის მოსყიდვა. კანონში ცვლილებებს, რა თქმა უნდა დადებითად ვაფასებ. მან ძალიან მკაფიოდ განსაზღვრა თითოეული საარჩევო სუბიექტის უფლება-მოვალეობები.



თამურ სალუქვაძე (პოლიტიკური გაერთიანება „თავისუფალი დემოკრატები“, საკრებულოს წევრი): საქართველოს არც ერთი მოქალაქისათვის არ წარმოადგენს საიდუმლოს, რომ „მოქალაქეთა პოლიტიკური გაერთიანების“ შესახებ კანონში 2011 წლის 28 დეკემბერს პარლამენტის მიერ დაჩქარებული წესით მიღებული ცვლილებები უშუალოდ უკავშირდება ბიძინა ივანიშვილის გამოჩენას ქართულ პოლიტიკაში. ეს ცვლილებები იმდენად ბუნდოვანი და მრავალწახნაგოვანია, რომ ავტორებსაც კი გაუჭირდებათ მისი სწორად ინტერპრეტირება. **კერძოდ:**



ახალი კანონით, შემოღებულია ე.წ. „პარტიასთან კავშირში მყოფი“ ფიზიკური და იურიდიული პირების ცნება, რომლებზეც იგივე შეზღუდვების რეჟიმი ვრცელდება, რაც თავად პარტიაზე, ასეთად მიჩნეული ფიზიკური თუ იურიდიული პირებს უფლება არა აქვთ შემოსავალი მიიღონ სამეწარმეო საქმიანობიდან, სხვა საქმიანობიდან

მიღებული შემოსავალი არ უნდა აღემატებოდეს წლიურად 60000 ლარს.

1. ამ კანონის თანახმად, პარტიასთან კავშირში მყოფი პირის ცნება იმდენად ყოვლისმომცველია, რომ მოქალაქის, იურიდიული პირის პარტიასთან კავშირი ნებისმიერ შემთხვევაში შეიძლება დადგინდეს.

2. კანონი მნიშვნელოვან შეზღუდვებს უწესებს ფიზიკურ პირებს საკუთარი მოსაზრებების გამოთქმისათვის, ხოლო საჯარო მოხელეებსა და თანამდებობის პირებზე მხოლოდ მინიმალური შეზღუდვები ვრცელდება.

3. კანონის ბუნდოვნებიდან გამომდინარე, დიდია საშიშროება მათი შერჩევითი გამოყენებისა, ამასთანავე არანაირი პასუხისმგებლობა არ ზდება, თუკი ამომრჩევლის მოსყიდვის მქონე საქმიანობა ფინანსდება სახელმწიფო ან ადგილობრივი ბიუჯეტიდან.

მინდა აღვნიშნო, რომ თუ ამ სახით მოხდა კანონის სრულმასშტაბიანი გამოყენება და არა მისი დახვეწა, დაკონკრეტება, ისე რომ აღამიანისათვის გასაგები გახდეს, თუ რისი უფლება აქვს მას პარტიასთან ურთიერთობაში, გამოირცხვლი არ არის, რომ ქვეყანა გავიდეს კონსტიტუციური ჩარჩოებიდან.

კანონი მას **ტიმოთი მითაძე** (საქართველოს რესპუბლიკური პარტია): ბოლო დროს ამ საკითხთან დაკავშირებით ბევრი მოსაზრება მოვისმინე, მაგრამ



ყველაზე მეტად მომეწონა „რეზონანსის“ რედაქტორის შეფასება. მან თქვა, რომ ეს კანონი დაწერილია შიმის თვალვით. ეს ნიშნავს, რომ კანონმდებელი ანუ ხელისუფალი, რომელიც ამ კანონს წერდა აშკარად

შემინებულა იმ პოლიტიკური რეალობით, რაც საქართველოში ბოლო პერიოდში არის. ასე რომ ერთადერთი რაც საზოგადოებას დარჩენია, ეს არის გააგრძელოს ბრძოლა თავისი უფლებების დასაცავად. გააგრძელოს ბრძოლა იმისთვის, რომ მაქსიმალურად კონკურენტუნარიან გარემოში ჩატარდეს არჩევნები, პოლიტიკური პაუკრობა, რომელიც წინ გველოდება. ყველაფერი საზოგადოებაზე დამოკიდებული. მე იმედს გამოვთქვამ, რომ საზოგადოებაში დაწყებული აქცია, სხვადასხვა ვეგუებში გამოხატული აშკარა, მკვეთრი პოზიციები შედეგს გამოიღებს, ბრძოლა გაგრძელდება და მივალწვთ მღვთმარების გაუმჯობესებას.

აქცია მთისპირში

25 თებერვალს სოფ. მთისპირში, უკანავას უბანში ამ უბნის მცხოვრებლებმა გზა გადაკეტეს. ისინი მდ. ბახვზე ჰესის მშენებლების მიერ გზის დაზიანებას აპროტესტებდნენ. მათი განცხადებით, უკანავას უბნის მოსახლეობას გადაადგილება შეეზღუდა. მშენებლობაზე მომუშავე მძიმეწონიანმა ავტომანქანებმა გზა ისე დაზიანეს, აქ მსუბუქი ავტომანქანით და ფეხით გადაადგილება შეუძლებელია.

აქციის მონაწილეებთან ოზურგეთის მუნიციპალიტეტის წარმომადგენლობიდან არავინ მისულა. აქციის მონაწილეებს ბახვის ჰესის მშენებლობის თურქი წარმომადგენელი შეხვდა და მთისპირლებს გზის გახსნა სთხოვა. თურქი მშენებელი მათ გზის ნაწილობრივ მოწესრიგებას

ოზურგეთში II მსოფლიო ომის გმირების ბიუსტები აიღეს

გაზეთი „ალიონი“

ოზურგეთის მხარეთმცოდნეობის მუზეუმის წინ მეორე მსოფლიო ომის გმირების, მათ შორის სახელგანთქმულ მთავრობის კონსტანტინე ლესელიძის და პორფირე ჩანჩიბაძის ბრინჯაოს ბიუსტები იდგა.



გასული საუკუნის 90-იანი წლების ცნობილი კატაკლიზმების შემდეგ, რამდენიმე ბიუსტი გაიმარჯვა, მათ სპილენძის ფირფიტები ააცალეს, ხოლო კონსტანტინე ლესელიძის ბრინჯაოს ბიუსტი საერთოდ მოიპარეს. ამას ემატებოდა ზოგიერთი მოქალაქის უზნეო საქციელი—ბიუსტების მიმდებარე ტერიტორიას ტუალეტად იყენებდნენ!

როგორც ჩანს ადგილობრივმა ხელისუფლებამ გამოსავალი ამ ბიუსტების საერთოდ აღებაში დაინახა. ბიუსტები ამჟამად ოზურგეთის მხარეთმცოდნეობის მუზეუმის ფოეში ინახება.

ოზურგეთის მუნიციპალიტეტის ქ. ოზურგეთის

რწმუნებულმა კახა მეგრელიშვილმა გვითხრა, რომ მუზეუმის ქვედა მხარეს, კუთხეში ევროსტანდარტის საზოგადოებრივი ტუალეტი აშენდება, ხოლო აღებული ბიუსტების ადგილზე რა გაკეთდება, ჯერჯერობით ინფორმაციას არ ფლობს.

გამდიდრებული და მრავალფეროვანი მენიუ

ოზურგეთის მუნიციპალიტეტის სკოლამდელმა სააღმწრდელო-საგანმანათლებლო ცენტრმა, სააღმწრდელო-საგანმანათლებლო პროცესი ცვლილებებით დაიწყო.

კერძოდ, შემუშავებულია ახალი მენიუ, რომელიც გაცვილებით მრავალფეროვანია. ახალ მენიუმში გაიზარდა ხორცის დღიური ნორმა, მენიუს დაემატა ქათმის ფილე, ხილის ჯემი და ბოსტნეულის სალათი. მსგავს განახლებებს ცენტრი მუდმივად ახორციელებს და ხვეწს მენიუს, რომ კვების რაციონი არ იყოს ერთფეროვანი.

ასევე ცვლილებებია სადისტრიბუციო ქსელში. მიმდინარე წლიდან 36 ფილიალს ახალი ფირმები მოამარაგებს.

ცენტრის მიერ გამოცხადებულ ელექტრონულ ტენდერებში სხვადასხვა ფირმებმა გაიმარჯვა. კერძოდ: შ.პ.ს. „ვასასის პური“ - 41 064 ლარით - „სხვადასხვა საკვები პროდუქტები“ (პური). ინდ/-

მეწარმე „გიორგი კაჭკაჭიშვილი“ - 41 930 ლარით - რძის პროდუქტები. ინდ/მეწარმე „გეგა ონიანმა“ - 106 200 ლარით - „ცხოველური პროდუქტები, ხორცი და ხორცის პროდუქტები“ (საქონლისა და ფრინველის ხორცი). ინდ/მეწარმე „გიორგი კაჭკაჭიშვილი“ - 37 777 ლარით - „სხვადასხვა საკვები პროდუქტები“ (სურსათი) და ინდ/მეწარმე „ვალერიან კაკურიამ“ - 47 889 ლარით - „ბურღულეული, კარტოფილი, ხილი და თხილეული“- (ბოსტნეული).

მომწოდებლებთან ურთიერთობის, ჩვენი მთავარი მოთხოვნა სერიოზიციზებული და ხარისხიანი პროდუქტების მოწოდებაა, რათა, ჩვენი აღსაზრდელები მაქსიმალურად იყვნენ დაცულები, ხოლო აღსაზრდელთა მშობლები კმაყოფილი იყვნენ, ჩვენს მიერ შეთავაზებული პირობებით. - აღნიშნა ცენტრის დირექტორმა მაკა ჭყონიამ.

საბავშვო ბაღებში სამეურვეო საბჭოების აქტიური ამოქმედება იწყება

მიმდინარე წლის თებერვლიდან ოზურგეთის მუნიციპალიტეტის სკოლამდელი სააღმწრდელო-საგანმანათლებლო ცენტრი ფილიალებში სამეურვეო საბჭოს აქტიური ამოქმედების, სააღმწრდელო-საგანმანათლებლო პროცესებში ჩართულობის მიზნით, სამეურვეო საბჭოს წევრთა არჩევნებს ჩაატარებს.

ამის შესახებ 36 ფილიალის მენეჯერს გაერთიანებულ თათბირზე ინსტრუქტაჟი უკვე ჩაუტარდათ. ცენტრის წესდების თანახმად, სამეურვეო საბჭო არის ფილიალის თვითმართველი ორგანო, რომელიც ირჩევა ორი წლით. ფილიალის სამეურვეო საბჭო შედგება ხუთი წევრისგან, რომელსაც ირჩევენ მშობლები.

საბჭოს ფუნქციებში შედის არსებულ სახსრების მოზიდვა და მათ განკარგვაზე კონტროლი, მატერიალურ-ტექნიკური ბაზის, სანიტარულ-ჰიგიენური და ფსიქოლოგიური კლიმატის გაუმჯობესებაზე ზრუნვა.

გასართობი კვირული

ოზურგეთის მუნიციპალიტეტის საკრებულოს ინიციატივით, ოზურგეთის სკოლამდელი სააღმწრდელო-საგანმანათლებლო ცენტრის ფილიალების აღსაზრდელთათვის მალე გასართობი კვირეულები მოეწყობა. საკრებულოს თავმჯდომარის ინიციატივით, პატარები ზღაპრის სხვადასხვა პერსონაჟებს ოზურგეთის პარკში შეხვდებიან და ერთი მხიარული დღით გააღაღებინან.

სოფლებიდან აღსაზრდელების ტრანსპორტირების ხარჯს მუნიციპალიტეტის საკრებულო დაფარავს. **ოზურგეთის სკოლამდელი სააღმწრდელო-საგანმანათლებლო ცენტრის პრესსამსახური**

ოზურგეთის თეატრის ისტორიიდან



ოზურგეთის თეატრი 50-იან წლებში

მაღალი შეფასება დაიმსახურეს მსახიობებმა: ბნაკაიძემ, ვაგაქიძემ, შ.ციციტიშვილმა, იარობელიძემ, ვ.ლოლიძემ, ვ.თურმანიძემ, ა.ანდლუაძემ, რ.ლომინაძემ.

1962 წელს დამთავრდა დიდი ხნის დაწყებული მასხარაძის თეატრის მშენებლობა (არქიტექტორი კ.ჩხეიძე, მოქანდაკეები ვ.თოფურაძე, მ.ჯაფარიძე, ჭერის მხატვრობა ა.ქუთათელაძე) რომელმაც თეატრის კოლექტივს ფართო და აქტიური შემოქმედებითი ცხოვრების საშუალება მისცა.

1964 წელს კვლავ გაიმართა მასხარაძის თეატრის გასტროლები თბილისში რეპერტუარში იყო ნ.დუმბაძის და გ.ლორთქიფანიძის „მე ვხედავ მზეს“, ა.ფურცელაძის „მაცი ხვითა“, ი.ვაკელიის „აპრაკუნე“ დ.კლდიაშვილის „სამანიშვილის დედინაცვლი“, ვაჟა-ფშაველას „მოკვეთილი“. თბილისში გასტროლების დროს სპექტაკლში „მე ვხედავ მზეს“ ანატოლის როლი შეასრულა მოსკოვის მცირე თეატრის მსახიობმა ვიტალი დორონინმა. თბილისში წარმატებით ჩატარებული გასტროლისათვის თეატრი უმაღლესი საპტიოს საპატიო სიგელით დაჯილდოვდა.

1968 წელს მასხარაძის თეატრმა დაარსების 100 წლისთავი იხიმა, ამ პერიოდში თეატრის მთავარი რეჟისორი იყო გურამ აბესაძე. საიუბილეო თეატრის რეპერტუარი წარმოდგენილი იყო: მ.ჯავახიშვილის „ყბაჩამ დაიგვიანა“ (რეჟისორი თ.შონია), ნ.დუმბაძის და გ.ლორთქიფანიძის „მე ვხედავ მზეს“ (რეჟ. გ.ლორთქიფანიძე), გ.ნახუცრიშვილის „შათან ხიზო“ (რეჟ. ვ.აბესაძე), ა.შენგელიას „ციმბირის პაპა“ (რეჟ. ვ.აბესაძე), გ.კლდიაშვილის „თორხალათიანი ქალიშვილი“ (რეჟ. ვ.აბესაძე) და რევოლუციის 50 წლისთავისათვის მიძღვნილი წარმოდგენა „სიმღერა გრძელდება“ ყველა სპექტაკლის მხატვრობა ეკუთვნოდა შოთა დარჩიას.

1971-74 წლებში თეატრის მთავარი რეჟისორი იყო ნოდარ იონათამიშვილი, რეჟისორებად ცალკეულ დადგმაზე მუშაობდნენ ენვერ ჩხაიძე და ვასო რცხილაძე. დაიდგა გ.ფანჯიკიძის „თვალი პატიოსანი“ (რეჟ. ეჩხაიძე).

შემდეგ სეზონში მთავარ რეჟისორად მუშაობდა სერგო ახალაძე, რეჟისორებად გრიგოლ ლალიძე, ნოდარ დეისაძე, ვასო ჩიგოგიძე, რომლის რეჟისორულ დებიუტს თეატრში ა.მაკაიონოკოს „ტრიბუნალი“ დიდი წარმატება ხვდა. სპექტაკლი მიძღვნა სამამულლო ომში გამარჯვების 30 წლისთავს.

1977 წლის სეზონიდან თეატრის

სამხატვრო ხელმძღვანელად და დირექტორად დაინიშნა ილია მაცხონაშვილი, დამდგმელ რეჟისორებად ვასილ ჩიგოგიძე, გურამ მაცხონაშვილი და დიპლომანტი მ.ჯინჭარაძე.

1979-80 წლებში თეატრში ცალკეულ დადგმაზე მოწვეულნი იყვნენ რეჟისორები: გურამ აბესაძე, მიხეილ მარხოლია, გიორგი აბრამიშვილი. მ.მარხოლიამ დადგა ალექსი ალუნის „სიმღერა გულისა“ გაბრამიშვილმა ვალერიან კანდელიაკის „ქართლის ჩირაღდები“.

1980 წლიდან თეატრის მთავარი რეჟისორია ვასილ ჩიგოგიძე დამდგმელ რეჟისორებად მუშაობდნენ გურამ აბესაძე, სულიკო კიკვაძე. დიდი წარმატება ხვდა ვ.ჩიგოგიძის მიერ დადგმულ ა.აბდუღინის პიესას „მეცამეტე თავმჯდომარე“.

1982-83 წლის სეზონში თეატრის საუკეთესო დადგმად იქნა აღიარებული ეგნატე ნინოშვილის ცხოვრების ამსახველი პიესა „ოქროს ნალ“ შემდეგ სეზონში ს.კიკვაძემ ვ.ჩიგოგიძესთან ერთად განახორციელა აჩეხოვის ერთ მოქმედებანი პიესები „დათვი“ და „ხელის თხონა“ რომელიც ნაჩვენები იქნა სოფელ შემოქმედში ვლადიმერ ნემიროვიჩ-დანჩენკოს სახლ-მუზეუმის გახსნისას.

გურიაში ჩამოვიდნენ მოსკოვის სამხატვრო თეატრის მსახიობები ანგელინა სტეპანოვას ხელმძღვანელობით დელეგაციაში შედიოდნენ, ვ.ნემიროვიჩ-დანჩენკოს შვილიშვილი სამხატვრო თეატრის მუსიკალური ნაწილის გამგე ვ.ნემიროვიჩ დამჩენკო და სხვები.

მასხარაძის თეატრში გაიმართა ქართველთა და რუს თეატრალურ მოღვაწეთა სახეიბო შეხვედრა. ამ დროს ჩაყარა საფუძველი მასხარაძის თეატრისა და მოსკოვის სამხატვრო თეატრის კოლექტივების შემოქმედებით მეგობრობას. ამ მეგობრობის ერთ-ერთი შედეგი იყო მასხარაძის თეატრში სამხატვრო თეატრის რეჟისორის ვლადიმერ სალოუკის მოწვევა, რომელმაც ა.ოსტროვსკის პიესა „უდანაშაულო დანაშაუნი“ დადგა, სპექტაკლში კრუჩინინას როლი შეასრულა სამხატვრო თეატრის მსახიობმა სვეტლანა კორკოშკომ. სპექტაკლი წარმატებით იქნა ნაჩვენები თბილისში.

გასული საუკუნის 80-იან წლების მასხარაძის თეატრის ნამუშევრებიდან სპეციალისტის აზრით გამოირჩევა სპექტაკლები: რ.აბრამიშვილის „ყამი ჭეშმარიტებისა“ (რეჟისორი ვ.ჩიგოგიძე) რომელსაც ამ სპექტაკლისათვის „ხოტწელიის მატინის“ პრემია მიენიჭა, გ.ლორთქიფანიძისა და ნ.დუმბაძის „მე ვხედავ მზეს“ (რეჟ. ვ.ჩიგოგიძე), ედვარდო დე ფილიპოს „ცილინდრი“ (რეჟ. ვ.ჩიგოგიძე), დავით კლდიაშვილის

„დარისპანის გასაჭირი“ (რეჟ. ს.კიკვაძე), ლაშა თაბუკაშვილის „შენსკენ სავალი გზები“ (რეჟ. ო.კუტალაძე).

1987 წლის აპრილში თეატრის კოლექტივი გაემგზავრა ბაიკალ-აპურის მაგისტრალზე დაბა იკაბის ქართველ მშრომლებთან შესახვედრად. სპეციალურად გადაკეთდა ნოდარ დუმბაძის „მე ბებია, ილიკო და ილარიონის“ ინსცენირება სახელწოდებით „გამარჯობათ ხალხო“.

1987 წელს თეატრის დასმა მოსკოვის სამხატვრო თეატრში წარმოადგინა ორი სპექტაკლი: „გამარჯობათ ხალხო“ და „უდანაშაულო დანაშაუნი“ თეატრის მიღწევებზე მეტყველებს ის ჩანაწერები რომელიც დღეს თეატრის მუზეუმში ინახება.

მოვიყვანო რამდენიმე ჩანაწერს: „მასხარაძელებთან სტუმრობა ჩემი ცხოვრების ერთ-ერთი უღამაზესი ეპიზოდია და აი, დღეს ჩვენი მეგობრები სახელგანთქმული სამხატვრო თეატრის სცენაზე არიან, მიხარია, რომ მათ წარმატებით ჩააბარეს შემოქმედებითი გამოცდა მოსკოველთა წინაშე და მყურებლის დიდი სიმპატია დაიმსახურეს. საქართველო განთქმულია თეატრალური კულტურით და ჩვენთვის ორმაგად სასიხარულოა ის ფაქტი, რომ ეს კულტურა იქმნება არა მარტო თბილისის თეატრებში, არამედ პერიფერიებშიც. მე უკვე 63 წელია სამხატვრო თეატრში ვარ და მინდა დავმოდგეო მასხარაძის თეატრის კოლექტივი და ვუსურვო შემოქმედებითი ერთსულოვნება, თანამოაზრეობა და თანადგომა, (ანგელინა სტეფანოვა) და მეორეც „გამარჯობათ ხალხო“ ჩემთვის მართლაც დიდი სტიმულია ქართული და კერძოდ გურული ყოფის უკეთ შეცნობისათვის, საოცარია, სიმღერაში ასე ნათლად იკითხებოდეს ეროვნული ხასიათი და ბუნება, განუყოფელი კოლორიტი, რამდენ რამეს იტყვს თითოეული მუსიკალური ფრაგმენტი, რომელსაც ვირტუოზულად ასრულებენ მსახიობები, მე ძალზე ბედნიერი ვარ რომ ჩემს ბიოგრაფიაში ესოდენ დიდი ადგილი დაიკავა საქართველოსთან და მის უმშენებლურეს კუთხესთან გურულ სამყაროსთან ურთიერთობა.“ — ვასილ ნემიროვიჩ-დანჩენკო.

და მესამეც „ძალიან კმაყოფილი ვარ, რომ დავესწარი სპექტაკლს „გამარჯობათ ხალხო“. მე ვიცნობ ამ თეატრს, ვიცნობდი მის წინა თაობას, ერთ-ერთ დადგმაზე (მ. ლავრენიოვის „რევუვა“) კონსულტანტად ვიყავი მიწვეული-ჩემთვის ძალიან სასიამოვნოა, რომ დღეს თეატრი განახლებული სახით ვიხილე გაახალგაზრდაებული და ახალ სტილისტიკას დაუფლებული, დუმბაძის ეს ნაწარმოები ბევრჯერ მინახავს ჩვენშიაც და სახლვარ გარეთაც, მასხარაძელთა ნამუშევარი გურული თავისთავადობით არის აღბეჭდილი, აღსავსეა სიკეთით, იუმორით, იმპროვიზაციული სულით, შთაგონებით, ჩემი აზრით, ეს ხალხური ბერიკაობის ტრადიციით არის ნასაზრდოები“ — პეტრე ვასილიევი რსფსრ სახალხო არტისტი.

— დღეს ოზურგეთის თეატრის დასი (მართველი ზაზა ჯინჭარაძე) წარმატებით აგრძელებს თეატრალურ ტრადიციებს.


მანანა ლომაძე
ოზურგეთის მუნიციპალიტეტის ისტორიული მუზეუმის ფონდების მცველი

„ამ სიმღერების მაღლით ბავიზარდე“

ბურამ ბურჭულაძემ 29 თებერვალს 80 წლის გასდგომდა

29 თებერვალს მე-20-ჯერ უნდა აღენიშნა დაბადების დღე. ოთხი წლის წინ ახლობლებთან და მეგობრებთან ერთად აღნიშნა იგი.

ოზურგეთის კოლორიტი, საუკეთესო მეგობარი, ცნობილი თამადა, ქართული ხალხური სიმღერების ტრფიალი-კიდევ ბევრი ტიტულის მინიჭება შეიძლებოდა სამშობლოზე, მამულზე შეგვარებული ამ კაცისთვის.



— „მე მომღერალი არ ვარ, უბრალოდ ამ სიმღერების მაღლით გავიზარდე, რომელსაც მამა და მისი მეგობრები ასრულებდნენ. ჩვენთან ხშირად სტუმრობდა ვარლამ სიმონიშვილი. გომში ოთხი მომღერალი ოჯახი ცხოვრობდა: ბურჭულაძეები, მასხარაძეები, გოლიაძეები, კვარაცხელიები. ბავშვობიდანვე მანსოვს მათი ურთიერთობა როგორი ზრდილობიანი, კულტურული იყო.“

1930 წელს ვარლამმა თავის გუნდში მიიწვია მამა. გუნდი კონცერტებს ატარებდა საქართველოს სხვადასხვა ქალაქში და მოსკოვში... — ყველა 4 წლის წინ გაზეთ „ალიონთან“ გურამ ბურჭულაძე.

1934 წელს გომში ცნობილი მთამსვლელი ალიონა ჯაფარიძე ჩამოსულა (მამინ გურამი ორი წლის ყოფილა), მას მეგზურობას გურამის მამა იოსები უწევდა. ალიონას მდინარე ბუჯუყის სათავე და ხეობა დაუთვალდებოდა და უთქვამს: — იქ ელექტროსადგურის აშენება შეიძლებაო. რამდენიმე ხნის შემდეგ გომში სპეციალისტები ჩამოვიდნენ და ელსადგურის მშენებლობაც დაწყებულა. „ბატარა ვიყავი, მაგრამ კარგად მახსოვს, რომ ჩამოსული სპეციალისტები ჩემს სახლში იყვნენ, ჩვენს სახლში ხდებოდა ნახაზების განხილვა, ღებოდა გვემები.“ შემდეგ წლები გავიდა და გურამ ბურჭულაძემ თავის პროფესიად ელექტროინჟინრობა აირჩია.

სტუდენტობისას, 1956 წლის 9 მარტის ცნობილი ტრაგედიის მონაწილე იყო.

— „რამდენიმე მეგობარი მომიკლეს, მაშინდელ გრძობებს სიტყვებით ვერ გადმოვიცემ. ეს ჩემი ცხოვრების საშინელი პერიოდი იყო.“

ინსტიტუტის დამთავრების შემდეგ ბუჯუყესზე დაიწყო მუშაობა ელექტრო ინჟინრად. შემდეგ ქალაქში გადმოვიდა, დაქორწინდა ქალბატონ ციალა ჭანუყვაძეზე, რომელიც შემდეგ ათეული წლები ბუჯუყესზე მუშაობდა. ორი შვილი შეეძინათ: თამარი და ირმა. დიდ პატივს სცემდა სიძეებს ზაზა ჭანიშვილს და ალიკა გოლიაძეს. სამი შვილიშვილის ბაბუა იყო.

მეგობრები მისი ცხოვრების განუწყვეტელი ნაწილი იყო. გარდაცვლილი მეგობრების გახსენებზე ცრემლები მოედებოდა ხოლმე.

— „ბავშვობის მეგობარი იყო ჯანო გიორგაძე, კარგ ლექსებს წერდა— იგონებდა იგი— ნადირობა უყვარ-

და. ერთხელ „ვილისით“ ამომაკითხა გომში. სანადიროდ წავედით, და მე მთავი გავატარეთ, თურმე მთელი სოფელი გვემტება...“

საინტერესოდ იგონებდა გოგი დოლიძის, ზაურ ბოლქვაძის სტუმრობებს... ხშირად ეფერებოდა ასევე „ჭადრების საძმოს“, რომელიც მისი საუკეთესო მეგობრებიდან შედგებოდა.

ცნობილი თამადა იყო. იგი მსმენელს არა მარტო საუკეთესო სადღეგრძელოებით ხიბლავდა, ლექსებსაც (მათ შორის საკუთარსაც) შესანიშნავად კითხულობდა და საუკეთესოდ მღეროდა.

დღეს არც ისე ბევრია იმ ადამიანების რიცხვი, ავტომანქანაში მხოლოდ ქართულ ხალხურ მუსიკას რომ უსმენს. გურამისთვის ეს ცხოვრების წესი იყო. გურული ფოლკლორის საუკეთესო ნიმუშს ჩართავდა და სახეზე შეპარებული კეთილი დიმილით მსმენელს აკვირდებოდა, შეეძლო თუ არა ამ სიმღერის წვდომა.

ამიტომაც იყო, რომ მის გვერდით ხშირად ვხედავდით ჯემალ ჭკუასელს, ტრისტან სიხარულიძეს, ამირან გოლიაძეს, ილო ინწკირველს და სხვა არაერთ ცნობილ მომღერალს.

ილო ინწკირველი იგონებს: — ჩვენ დიდი მეგობრობა გვაკავშირებდა. „შვიდკაცას“ ბიჭები გურამთან ერთად არაერთ მაგიდასთან ვყოფილვართ. კარგი თამადა იყო და სუფრაზე წესრიგი უყვარდა. დამირეკეს, წასვლის ნებართვა ვთხოვე. მისეული იუმორით მითხრა: — მაგიდიდან წავლა შეილება, მთავარია ხელიდან არ წახვიდო!

მეგობრული ურთიერთობა აკავშირებდა ოზურგეთელ ჟურნალისტებთან. ხშირად „ალიონის“ ძველი და მომდევნო თაობის სტუმარი იყო. გარდაცვალებამდე რამდენიმე თვით ადრე „ჭადრების ბალთან“ შევხვდი. მამინ ჯერ კიდევ არ მოძალეობდა ავადმყოფობა. მანქანაში იჯდა. რესტორანში გამყვიო, ჯემალ ჭკუასელი მყავს სტუმრად, რაღაცას უნდა მოგიყვიო.— მთხოვა. ვერ გავყვი. რომ გარდაიცვალა, მივხვდი, მისი ცხოვრების ერთი საინტერესო ფურცელი დარჩა მოუყოფელი.

29 თებერვალს იგი 80 წლის გახდებოდა. სამწუხაროდ, ვერ მოესწრო დაბადების დღის მეოცედ აღვნიშვნას.

ხსოვნა


თაბაზა სალუქვაკი



ჩემო ბაბუ! რა მალე გავიდა 8 თვე, რაც ჩვენთან არ ხარ. შენ — ამქვეყნად მოსვლით ცხოვრების ლამაზი კვალი გაივლე, წასვლით კი — საუკუნო გზა სანთლებით, ვარდებით და სიყვარულით გაიცისკროვნე.

დამ მემასხოვრები ხალისიანი, იუმორით სავსე, მეტად მოსიყვარულე და ჩემზე უსაზღვროდ შეყვარებული. უსაშველო მონატრება ხარ ბაბუ დედასთვის და ბებოსთვის, შენს მოსასხენიებლად ყოველდღე ლოცვას კითხულობენ. გვიხაროდა, როცა მოულოდნელად შემოაღებდი კარებს და ღიმილით სავსე გულში ჩამიკრავდი. ახლა კი სად ხარ? ბაბუ, მე ისევ მელიძეები-მაგრამ, ვიცი ეს ლოდინი ამაოა. აკლია შენი დარიგება, მოფერება, მხარში ღვომა. როგორ ახერხებდი ყველა ადამიანში მხოლოდ დადებითს და კარგის დანახვას. ყველას უნაწილებდი შენს სიტბოს და გულისხმევას.

რეზო ჩხაიკი



ისხენებენ ადამიანს, რომელიც მივიწყებას არ მიეცემა ხოლმე. I მარტს, ხომ შენი დაბადების დღეა — რეზო! ჩვენ კი, თითქმის ყოველდღე წარმოგვიდგება შენი სახე-კეთილი, თბილი, სიცოცხლისადმი წყურვილით სავსე...თუმცა, იმ ავბედითმა დღემ განსაზღვრა ჟამი შენი ამქვეყნად ყოფნისა; ერთ წუთში შენთვის ჩამობნულდა, წყვედა ჩამოწვა და

გულმა შეწყვიტა მუშაობა. იმ დღიდან მოყოლებული ხალისი დაკარგა შენმა მეუღლემ-მაიამ. ძალიან ენატრები შენს მეგობრებს, მეზობლებს და ნათესავებს. რომლებიც სანთლებს გინთებენ და ხშირად გაკითხავენ საფლავთან. ის ტკივილი დღესაც გაუსაძლისია ისევე, როგორც მაშინ შენი ოჯახისთვის. ყველას გვერდში მდგომი, კარგი მეუღლე და მამა იყავი. შენ ხომ ერთადერთი ვაჟი-შვილი დატოვე, რომელიც ვაჟკაცურად ასრულებს შენს ოჯახურ ტრადიციებს. ვანო მალე სტუდენტი გახდება, რაც შენი ოცნება იყო. შენი მონატრების გაუსაძლის ტკივილს, ღვთის რწმენა აძლიერებს შენს ერთგულ მეუღლეს.

ოზურგეთის „არწივებმა“ პირველი უმცველრა მოიგეს.

ერთი თვეა ცუდი ამინდებია, ხშირად თოვს. მან მნიშვნელოვნად შეუმალა ხელი, ოზურგეთელ მორაგებებს დროულად დაეწყოთ ახალი სეზონისათვის ფიზიკური მომზადება. ამას ისიც დაემატა, რომ „არწივების“ სამი მოთამაშე, ლიდერები სამხედრო-სავალდებულო სამსახურში გაიწვიეს, რამაც საგრძნობლად შეასუსტა გუნდის პოტენციალი.

მუხედავად ამინდის ჭირვეულობისა, (ზვანის მიუდანხე 10 სმ. თოვლი იდო) ოზურგეთლებმა მუხედრად იბრძოლეს და 20:0 დამარცხეს მეტოქე.


არტურ დავოიანის წარმატება



არტურის წარმატებებში დიდი წვლილი მიუძღვის მის მწვერწენს იულიონ

ოზურგეთის სასპორტო სკოლის აღზრდილი არტურ დავოიანი უკრაინაში, ქ. გორლოვკაში საქართველო-უკრაინის საერთაშორისო შეხვედრაში მონაწილეობდა. მან 60 კგ. წონით კატეგორიაში მოუგო უკრაინელ მოკრივეებს და საქართველოს ნაკრებთან ერთად გამარჯვება იხვიდა.

მერაბ მებრელაძე



ორმოცი დღე გავიდა მას შემდეგ, რაც 56 წლის ასაკში გარდაიცვალა გურიის ყველა დროის ყველაზე ტიტულოვანი ფეხბურთელი მერაბ მებრელაძე.

მებრელაძეების ოჯახური დინასტია ქართულ ფეხბურთთან და მის წარმატებებთან იყო დაკავშირებული. გასული საუკუნის 30-იან წლებში ოზურგეთში სპორტის განვითარების საქმეში დიდი წვლილი მიუძღვის მერაბის ბაბუას ილია მებრელაძეს, იგი თავდაპირველად ოზურგეთის ფეხბურთელთა გუნდში გამოდიოდა, ხოლო შემდეგ ფიზკულტურისა და სპორტის რაიონულ კომიტეტს ეღვა სათავეში.

ამ სპორტული ოჯახის მესამე თაობის წარმომადგენელი იყო მერაბი, რომელიც გამოდიოდა ლანჩხუთის „გურიაში“, შემდეგ ქუთაისის „ტორპედოში“. მერაბს მოუწია საკავშირო პირველობაზე ასპარეზობაც და საქართველოს ეროვნულ ჩემპიონატშიც ეჩვენებინა რა შეეძლო. იგი, როგორც ბომბარდირი, ყველგან გამოირჩეოდა მაღალი შედეგებით, მას გოლის გატანის განსაკუთრებული აღლო ჰქონდა.

1985 წელს მერაბმა პირველსავე სეზონში ქუთაისის „ტორპედოში“, რომელიც იმ დროს საკავშირო პირველობის უმაღლეს ლიგაში გამოდიოდა, 18 გოლი გაიტანა და გუნდმა იმ წელს საკავშირო პირველობაზე ასპარეზობის 13-წლიან ისტორიაში ყველაზე კარგი შედეგი აჩვენა — XI ადგილი დაიკავა. იმ სეზონში განსაკუთრებულად დასამახსოვრებელი იყო სტუმრად, რუსეთის დედაქალაქში მრისხანე „დინამოს“ დამარცხება ანგარიშით 1: 3. ამ მატჩის გმირი მერაბ მებრელაძე იყო. მან ჰეთ-ორ-

იკი შეასრულა. 1989 წელს მერაბმა „ტორპედოს“ შემადგენლობაში I ლიგაში 29 გოლი გაიტანა. იმ წლებში მერაბს საქართველოს პირველი გუნდიდან — თბილისის „დინამოსაგანაც“ ჰქონდა შეთავაზება გადასვლაზე, მაგრამ მან „ტორპედო“ არ დატოვა.

დაიწყო საქართველოს ეროვნული ჩემპიონატი და მერაბ მებრელაძემ „ტორპედოს“, „სამგურალის“, „მარგვეთის“ შემადგენლობაში ჩატარებულ 140 მატჩში 104 გოლი გაიტანა.

მერაბ მებრელაძეს ეკუთვნის საქართველოს ეროვნულ ჩემპიონატში ერთ სეზონში გატანილი გოლების რეკორდი. მან 1992-93 წლებში წყალტუბოს „სამგურალის“ შემადგენლობაში 41 გოლი გაიტანა! ეკუთვნის კიდევ ერთი რეკორდი. მას ყოფილი სსრკ უმაღლეს და პირველ ლიგებში, ასევე საქართველოს პირველობაზე (პირველობა და თასის გათამაშებაში) 300-ზე მეტი გოლი აქვს გატანილი.

მერაბ მებრელაძე შვეიციის ერთ-ერთ კლუბშიც გამოდიოდა, ხოლო კარიერა 44 წლის ასაკში ნოვოსიბირსკის „ჩკალოვცში“ დაასრულა.

„თუ სტენლი მეტიუზს ინგლისის დელოფალმა სერის ტიტული მიანიჭა, ქართველებმა მერაბ მებრელაძე ლორდად უნდა მოეხსენიოთ“ — ეს სიტყვები ცნობილ კომენტატორს ნუგზარ ჯუღელს ეკუთვნის.

მისი შვილი გიორგი წარმატებით გამოდიოდა „ტორპედოს“ შემადგენლობაში. მას ეროვნულ ჩემპიონატების 250 ჩატარებულ მატჩში 130 გოლი გაიტანა და ქართველ ბომბარდირებს შორის III ადგილი უკავია. ერთ პერიოდში მამა-შვილს მინდორზე

ერთად მოუწიათ გამოსვლა. მერაბ მებრელაძე 2001-2002 წლებში მშობლიურ ქალაქში ჩამოვიდა და რევიონ ლიგაში მოასპარეხე „მერცხალს“ ჩაუდგა სათავეში. მან გუნდის ხელმძღვანელებთან, ფეხბურთელებთან ერთად მიზნად დაისახა „მერცხალის“ დაკარგული ტრადიციების აღდგენა. ძალიან დაძაბული ბრძოლა მიმდინარეობდა. „მერცხალს“ რთული გზის გავლა მოუწია მიზნის მისაღწევად. ჩემპიონატი ძირითად მეტოქე ვანის „სულორთან“ ერთად, თანაბარი ქულებით დაასრულა.

მერაბს გვერდით ეღვა მთელი გუნდი. დამატებით მატჩებში თითო მოგება დაფიქსირდა. დაინიშნა გადამწყვეტი მატჩი ქ. ფოთში, „კოლხეთის“ სტადიონზე. აქ ძირითადი და დამატებითი დრო ფრედ 1:1 დას-



რულა. პენალტების სერიაში გურულებმა იმარჯვეს და „მერცხალი“ I ლიგაში გადავიდა. გზა უმაღლესი ლიგისკენაც გახსნილი იყო...

26 იანვარს მერაბ მებრელაძე 57 წლის გახდებოდა. 29 იანვარს კი იგი უკანასკნელ გზაზე გაცივლეს. „ღმერთმა ნათელში ამყოფოს „ტორპედოს“ ლეგენდა“ — წერდა ერთ-ერთი გულშემატკივარი. ჩვენც ამასვე ვიტყვი: — ღმერთმა ნათელში ამყოფოს ქართული ფეხბურთის ლეგენდა.

გელა დოლიძე, აპაკი ათუაშვილი, ბახვა გიორგაძე, გორა ფიფიშვილი, მერაბ მხაზანაძე, მახა როსაძე, ნოდარ კალანდარიშვილი, რამაზ ასკურაძე, ზვიად დოლიძე, რუზინ მახარაძე, დოლიკა გაბუა, დათო ჯაფარიძე, მალხაზ თორია;

მერაბ მებრელაძის მამა ნოდარი ათეული წლების მანძილზე მუშაობდა ოზურგეთის სტამბაში ჩვენი გაზეთის მუხედრად. მას დიდი წვლილი მიუძღვის იმ წლებში გაზეთის წარმატებებში. სამწუხარო ფაქტი მოხდა. მოულოდნელად გარდაიცვალა საუკეთესო ფეხბურთელი, საუკეთესო მოქალაქე მერაბ მებრელაძე.

გაზეთ „ალიონის“ რედაქცია თანაუგრძნობს ნოდარ და ლუბა მებრელაძეებს შვილის მერაბ მებრელაძის გარდაცვალების გამო.

ძირაგდება
200 კვ. მეტრი
საოფისო ფართი,
ძალაძის ცენტრში
დაბავიკავშირდით:
(599) 55 56 84

იყიდება
კაპიტალური სახლი
მაღალ ბელეტაჟში.
ფასი შეთანხმებით.
მისამართი: ქ.
ოზურგეთი,
ჯავახიშვილის
II შმს. №2.
ღარამკით:
(593) 75 34 69.

იყიდება
ავტომატანა
„პაზ-2103“ კარბ
მღვობარეობაში.
ფასი
შეთანხმებით.
ღარამკით:
(593) 41 11 50.

**პრობლემა
გაქვით**
დასუფთავებასთან
დაკავშირებით?
ღარამკით:
27 44 67;
(595) 30 50 58.
ოზურგეთის
დასუფთავების სამსახური.

ოზურგეთის რაიონის სამხედრო კომისარი-ატის ყოფილი თანამშრომლები და ვეტერანები იუწყებიან ყოფილი თანამშრომლის **606ა ჩინოიანის** გარდაცვალებას და თანაგრძნობას უცხადებენ განსვენებულის ოჯახს.
ვეტერანთა სამხედრო საბჭოს სახელით
გურამ დუნდუა